

Breytingartillögur

við frv. til l um breyt. á ýmsum lagaákvæðum um skatta og gjöld.

Frá meiri hluta efnahags- og skattanefndar (HHj, ÁI, MSch, SII, LRM).

1. Á eftir 1. gr. komi ný grein, svohljóðandi:
Á eftir orðunum „á sér stað til“ í 3. másl. 2. mgr. 11. gr. laganna kemur: samlagsfélags eða.
2. Á eftir 4. gr. komi ný grein, svohljóðandi:
Eftirfarandi breytingar verða á 32. gr. laganna:
 - a. 1. mgr. fellur brott.
 - b. 3. másl. 3. mgr. fellur brott.
3. Á eftir 5. gr. komi ný grein, svohljóðandi:
Við 1. mgr. 55. gr. laganna bætist nýr málslíður, svohljóðandi: Samsköttun skal þó falla niður með félagi sé það tekið til gjaldþrotameðferðar eða sæti slitameðferð, sbr. 101. gr. laga nr. 161/2002.
4. 9. gr. orðist svo:
Í stað orðanna „Þróunarsjóður sjávarútvegsins“ í 1. tölul. 5. mgr. 71. gr. laganna kemur: Fiskræktarsjóður.
5. Á eftir 10. gr. komi ný grein, svohljóðandi:
Eftirfarandi breytingar verða á 99. gr. laganna:
 - a. Í stað orðanna „ívilnun skv. 65. gr. og reikningsár skv. 1. mgr. 59. gr.“ í 1. másl. 1. mgr. komi: og ívilnun skv. 65. gr.
 - b. Orðin „eða þeim starfsmönnum hans sem fengið hafa til þess sérstaka heimild“ í 2. mgr. falla brott.
6. Á eftir 12. gr. komi tvær nýjar greinar, svohljóðandi:
 - a. (17. gr.)
Orðin „þar sem vinnuþáttur er samtals að lágmarki 50.000 kr.“ í 2. mgr. ákvæðis til bráðabirgða XXXV í lögnum falla brott.
 - b. (18. gr.)
6. mgr. ákvæðis til bráðabirgða XXXVI í lögnum orðast svo:
Þegar kröfu er breytt í hlutfé í hinu skuldsetta félagi í stað eftirgjafar skal það talið fullnaðargreiðsla hennar. Aðilar geta samið um niðurfellingu á hluta kröfunnar áður en slík greiðsla með hlutfé er innt af hendi. Sé skipt á kröfu og hlutfé skal fara fram mat á verðmæti hlutfjárins og skal matsverðið miðast við þann dag þegar skiptin eiga sér stað. Skuldara ber að tekjufæra mismun á verðmæti hlutfjárins og bókfærðu verði skuldarinnar. Kröfuhafa ber eftir atvikum að tekjufæra eða gjaldfæra mismun á bókfærðu verði kröfunnar og matsverði hlutfjárins. Mat á verðmæti hlutfjár skal unnið af óháðum matsaðila þegar skipti á kröfu og hlutfé fara fram á milli eignatengdra aðila.

7. Við 13. gr.
- Á undan orðunum „á þremur árum“ í a-lið (I.) komi: með jöfnum hætti.
 - Í stað 3. máls. 1. mgr. b-liðar (II.) komi tveir nýir málsliðir, svohljóðandi: Þá er skilyrði að arði sé ekki úthlutað vegna tekjuáranna 2010 til og með 2014. Ríkisskattstjóri getur heimilað skattaðila að taka þátt í samsköttun og sameiningu við aðra skattaðila eða skiptingu upp í fleiri félög að uppfylltum skilyrðum þessa ákvæðis.
 - Við bætist nýr liður (III.), svohljóðandi:
 Þrátt fyrir brottfall 1. mgr. og 3. másl. 3. mgr. 32. gr. skal þeim aðilum sem keypt hafa framleiðslurétt í landbúnaði fyrir 1. janúar 2011, til hagnýtingar á framleiðslu-árinu 2011, heimilt að færa þann stofnkostnað niður með jöfnum fjárhæðum á fimm árum, að frádreginni þeirri niðurfærslu og árafjölda sem þegar hefur átt sér stað.
8. Við 17. gr. Orðin „Þróunarsjóður sjávarútvegsins“ í c-lið falli brott.
9. Á eftir 25. gr. komi ný grein, svohljóðandi:
 Eftirfarandi breytingar verða á 2. mgr. 20. gr. laganna:
- Orðin „31. desember“ falla brott.
 - Við bætist nýr málsliður svohljóðandi: Hafi einstaklingur átt lögheimili í fleiri en einu sveitarfélagi á tekjuárinu skal leggja á hann útsvar sem skiptist hlutfallslega eftir búsetutíma og skal útsvarshlutfall fyrir hvert búsetutímabil fara eftir því sem viðkomandi sveitarstjórn ákveður skv. 1. mgr. 24. gr. og ef við á 6. mgr. 24. gr.
10. Á eftir 28. gr. komi ný grein, svohljóðandi:
 Við lögin bætist nýtt ákvæði til bráðabirgða, svohljóðandi:
 Þrátt fyrir ákvæði VII. kafla og 7. mgr. 20. gr. er á gjalddaga virðisaukaskatts vegna uppgjörstímabilsins nóvember og desember á árinu 2010, sbr. 1. mgr. 24. gr., heimilt að færa til innskatts á virðisaukaskattsskýrslu allan virðisaukaskatt vegna viðkomandi uppgjörstímabils, þótt einungis hluta af gjaldföllum virðisaukaskatti hafi á þeim tíma verið skilað, sbr. ákvæði til bráðabirgða VI í tollalögum, nr. 88/2005.
11. Við 38. gr. Á eftir a-lið komi nýr liður sem orðist svo: Í stað fjárhæðarinnar „5 millj. kr.“ í 2. tölul. 1. mgr. kemur: 1 millj. kr.
12. Við 39. gr. bætist nýr liður, svohljóðandi: Fyrirsögn greinarinnar fellur brott.
13. Á eftir 42. gr. komi ný grein, svohljóðandi:
 Fyrirsögn II. kafla laganna verður: **Umsóknarferli o.fl.**
14. Við 46. gr.
- Í stað orðanna „samanlagður kostnaður“ hvarvetna í 1.–3. tölul. 1. mgr. komi: samanlagður styrkhæfur kostnaður.
 - Í stað orðanna „milli landamæra“ í 2. tölul. 2. mgr. komi: yfir landamæri.
15. Á eftir 48. gr. komi ný grein, svohljóðandi:
 Við lögin bætist nýtt ákvæði til bráðabirgða, svohljóðandi:
 Þrátt fyrir ákvæði 122. gr. skal fyrirkomulag gjalddaga aðflutningsgjalda, hjá aðilum sem njóta greiðslufrests á aðflutningsgjöldum, vegna uppgjörstímabilsins nóvember og desember á árinu 2010 vera sem hér segir:
- Þriðjungi af aðflutningsgjöldum á viðkomandi uppgjörstímabili, sbr. 1. mgr. 122. gr., skal skila eigi síðar en á 15. degi næsta mánaðar eftir lok uppgjörstímabils.
 - Þriðjungi af aðflutningsgjöldum á viðkomandi uppgjörstímabili, sbr. 1. mgr. 122. gr., skal skila eigi síðar en á 15. degi annars mánaðar eftir lok uppgjörstímabils.
 - Þriðjungi af aðflutningsgjöldum á viðkomandi uppgjörstímabili, sbr. 1. mgr. 122. gr., skal skila eigi síðar en á 5. degi þriðja mánaðar eftir lok uppgjörstímabils.
16. Við 49. gr. Í stað orðanna „80 lítra“ í 2. mgr. komi: 78 lítra.

17. Við bætist nýr kafli, XVI. kafli, **Breyting á lögum nr. 97/1987, um vörugjald, með síðari breytingum**, með einni nýrri grein, svohljóðandi:
 Við lögin bætist nýtt ákvæði til bráðabirgða, svohljóðandi:
 Þrátt fyrir ákvæði 9. gr. skal fyrirkomulag gjalddaga vörugjalds, hjá aðilum sem skráðir eru skv. 2. mgr. 4. gr., vegna uppgjörstímabilsins nóvember og desember á árinu 2010 vera sem hér segir:
1. Helmingi af vörugjöldum á viðkomandi uppgjörstímabili, sbr. 1. mgr. 9. gr., skal skila eigi síðar en á 28. degi annars mánaðar eftir lok uppgjörstímabils.
 2. Helmingi af vörugjöldum á viðkomandi uppgjörstímabili, sbr. 1. mgr. 9. gr., skal skila eigi síðar en á 28. degi þriðja mánaðar eftir lok uppgjörstímabils.
18. 58. gr. orðist svo:
 Lög þessi öðlast gildi og koma til framkvæmda sem hér segir:
- a. 1., 6., 17., 24., 27.–31., 33.–34., 56.–57. og 59. gr. öðlast gildi 1. janúar 2011,
 - b. 2., 3. og 7.–9. gr., e- og f-liður 10. gr. og 14.–16., 18.–19., 23., 36.–41., 58. og 60.–68. gr. öðlast þegar gildi,
 - c. 4.–5. og 42.–55. gr. öðlast þegar gildi og koma til framkvæmda við álagningu opinberra gjalda 2011 vegna tekjuársins 2010,
 - d. A–d-liður 10. gr. og 11.–12., 20.–21. og 25. gr. öðlast gildi 1. janúar 2011 og koma til framkvæmda við álagningu 2012 og á staðgreiðsluárinu 2011 eftir því sem við á,
 - e. 13., 22., 26. og 35. gr. öðlast þegar gildi og taka ákvæði þeirra jafnt til mála sem rannsókn er þegar hafin í og þeirra sem verða tekin til rannsóknar hjá skattrannsóknarstjóra ríkisins,
 - f. 32. gr. öðlast gildi 1. janúar 2011 og kemur til framkvæmda 1. janúar 2012 vegna útsvars á árinu 2011.